

# AWIG - AWIG

## DESA ADAT SUKALUWIH

**DESA DINAS AMERTA BHUANA  
KECAMATAN SELAT  
KAB KARANGASEM**

# MURDANING WAKYA

Om Swastyastu, Om Awignam Astu Nama Sidham Putusing Paruman Desa Adat Sukaluwih, Gumawe Awig – Awig Desa Adat pinaka sepat siku - siku pematut, wastu kasidan prayojanan sami kabeh prasama angidep muah amanggehaken kadi tata gamaning lan linggih awig – awig puniki.

## SARGA 1

### ARAN LAN WEWIDANGAN DESA ADAT

#### Pawos 1

- Ha. Desa Adat Puniki mewasta : Desa Adat Sukaluwih
- Na. Linggih Wewidangannyane : Desa Dinas Amerta Bhuana, Kecamatan Selat, Kabupaten Karangasem, Provinsi Bali
- Ca. Wates Wewidangannyane :
1. Penepi Kaler Mewasta palemahan Desa Adat Sogra, Desa Adat Sebung, Desa Adat Bukit Galah
  2. Penepi Kangin mewasta Tukad Sabuh lan palemahan Desa Adat Geriana Kangin.
  3. Penepi Kelod mewasta Palemahan Desa Adat Sarti.
  4. Penepi Kauh mewasta Palemahan Desa Adat Tegeh lan Desa Adat Sebudi.

#### Pawos 2

- Ha. Manut Trilingganing Desa, wewidangannyane kakuub sekadi ring sor :
1. Utama Mandala : Genah Kahyangan Desa
  2. Madya Mandala : Mekadi pupulan karang palemahan lan telajakan palemahan Desa
  3. Nista Mandala : Mekadi Setra apelebahan
- Na. Sajeroning wewidangan madya mandala kepakon pepalihan nia dados :
1. Pelaba Pura
  2. Tanah Ngayah Kedesa
  3. Tanah Luput ring Ayahan Desa
  4. Tanah Pesayahan Desa
  5. Tanah Pekarangan Desa

## **SARGA II**

### **PETITIS LAN PAMIKUKUH**

#### **Pawos 3**

Desa Adat Sukaluwih ngemanggehang dasar pamikukuh sekadi ring sor :

- Ha. Pancasila lan Undang – Undang Dasar 1945
- Na. Perda No 04 tahun 2019 indik Desa Adat
- Ca. Tri Hita karana manut tatwaning Agama Hindu
- Ra. Sesana lan Purana Agama Hindu
- Ka. Dresta sane kantun kemanggehang manut Desa Kala Patra utawi Desa Mawe Cara

#### **Pawos 4**

- Ha. Desa Adat Sukaluwih ngemanggehang petitis mekardi kerahajengan presida molihang kejadithan muah mukti sekala lan niskala
- Na. Usaha – Usaha sane ngemanggehang sajeroning nuju petitis punika luire :
  1. Mikukuhin muah ngerajegang Sanghyang Agama
  2. Ngutamayang tata prawertin Agama
  3. Ngerajegang kasukertan Desa Sekala lan Niskala
  4. Nunggalang Pekraman mejalaran sesana, mangda adung ring sajeroning papineh lan pengelaksana.

## **SARGA III**

### **SUKERTA TATA PEKRAMAN**

#### **PALET 1**

### **INDIK KRAMA**

#### **Pawos 5**

- Ha. Sane kasinanggeh Krama Desa Adat Sukaluwih inggih punika, Keluarga sane me Agama Hindu tur sampun buluangkep utawi sampun Alaki Rabi
- Na. Ngawit dados Krama Desa Adat Sukaluwih inggih punika
  1. Ngawit sakeng merabian/Pawiwahan mewates sesampun sang merabian kekaryanang upakara/upacara pabiekalaan

2. Krama sane mewit sakeng tios Desa Adat Sukaluwih nanging mapaumahan tur jenek ring Desa Adat Sukaluwih mawaneng tigang sasih, yening ring Desa Adat wit ipun tan mekrama Desa adat kepatut ayah ayah tetegenan pateh sekadi Krama wit Desa Adat Sukaluwih, nanging yening ring Desa Adat wit ipun kantun mapekraman Desa Adat, ring Desa Adat Sukaluwih kewastanin Krama Tamiu tur ngemasa keni penauran beras halus no 1 akeh ipun 25 kg, (Selai kilo beras halus no 1) ketaur rikalaning ngawit jenek ring Desa Adat Sukaluwih ngelantur ketaur nyabran ngemasa
3. Krama sane mewit sakeng tios Desa Adat Sukaluwih nanging ngenahang/miara banteng ring wewidangan Desa Adat Sukaluwih mewasta Krama ngunggu ngewarsa kepatut keni jinah pengunggu nikel sakeng krama ngunggu wit Desa Adat Sukaluwih.
4. Krama Desa Adat Sukaluwih sane magenah ring dura Desa kasinanggeh Krama Ngunggu, nanging yening nenten naur jinah pengunggu selami dasa warsa madudonan, wau jagi katerima malih dados Krama Desa Adat Sukaluwih risampunne naur pengepok 200 (Satak) kg beras halus utawi beras no 1.

#### Pawos 6

Kewentenan Krama Desa Adat Sukaluwih luire :

- Ha. Krama Desa Pengarep (Krama Fengayah) akehnyane 32 (Tigang Dasa Kalih) diri.
- Na. Krama Desa sampingan utawi siosin Krama Desa Pengarep sane mewiwit tur jenek ring Desa Adat Sukaluwih.
- Ca. Krama Tamiu, Krama sane mewit sakeng Desa Adat siosan nanging jenek ring Desa Sukaluwih selami tigang sasih madudonan.
- Ra. Krama Ngelaga/Pengunggu, Krama sane mewit sakeng Desa Adat Sukaluwih nanging megenah ring Dura Desa sangkaning ngerereh pengupa jiwa utawi pekaryan.
- Ka. Krama Nyada, Krama sane sampun lingsir utawi sungkan sungkanan medasar yusa lan panureksan Prajuru Desa Adat lan kecumpuin antuk perarem Krama Desa, Krama sane polih penyadaan tan keni ayah – ayahan lan pepeson malih ( Nyada Tumus)

#### Pawos 7

Swadarmaning Krama Desa Adat Sukaluwih luire :

- Ha. Tinut saturut ring sedaging Awig-Awig, Pasuara lan pamutus Desa.
- Na. Ngutsahayang mangda Desane mresidayang gemuh muah kerta raharja.
- Ca. Nyanggra sehananing pemargin wewangunan, lan Upacara Yadnya ring Desa Adat Sukaluwih.

## Pawos 8

Manut pepalihannia tetegenan utawi ayahan Krama Desa Adat Sukaluwih Luire :

Ha. Krama Desa Pengaraep utawi Pengayah

1. Ngayahang Tanah tegalan sane kegamel utawi kepiara manut linggih ayahan soang – soang tanah.
2. Pangremba pamucuk sajeroning Aci/Upacara ring Pura Kayangan Desa
3. Nyarengin Peparuman Desa.
4. Mereresik Nyambat satunggil Kajeng Kliwon, Saraswati lan Mebulung setunggil Purnama, raris Munggah Sangkep ring Bale Agung setunggil Purnama.
5. Keni Pepeson lan Ayah – Ayaham Manut Pebuat.

Na. Krama Desa Adat siosin Krama Pengarep utawi Krama Desa sareng sami (sampingan)

1. Keni Pepeson lan Ayah – Ayahan manut pebuat.
2. Nyarengin Peparuman Desa Adat.
3. Ngeremba sahananing Aci/Upacara lan wewangunan samian ring Desa Adat Sukaluwih.

Ca. Krama Desa Tamiu

1. Ugi mangda atur piuning ring Frajuru Desa Adat utawi ring Kelian Banjar Dinas.
2. Tetegenan ayahan siosan patera ring Krama Desa lianan.

Ra. Krama Desa Ngelaga/Pengunggu

1. Digelis ugi atur piuning ring Frajuru Desa utawi Kelian Banjar Dinas.
2. Naur Jinah Pengunggu saban ngewarsa akehnyane mepengarga 10 kg beras halus.
3. Yening Krama Ngelaga/pengunggu nenten naur jinah pengelaga ping 8 (Kutus) madudonan, wenang keicen tempo malih ping 2 (kalih) tur yening taler nenten naur wenang kausanang dumun dados krama Desa Adat Sukaluwih, tur tan kaicen sinarengan ngaturang Bakti sareng Krama Lianan rikala Pujawali, lan tan kalugra ngangge due Desa mekadi Setra yening medue kepademan utawi nyarengin upacara Pitra yadnya, yening Pungkuran kengin mewali malih Dados Krama Desa Ngelaga, yogia naur pengepok akeh kedikne manut daging perarem rikala irika.

Ka. Krama Nyada

1. Krama Desa sane sampun Nyada nenten malih kené ayah – ayahan utawi tetegenan, (Nyada Tumas)
2. Krama sane nyada mewates yusa 75 tahun (Telung Benang Tiban) utawi sungkan rahat manut panureksan Prajuru, nanging yening nyada sangkaning sungkan benjangan yening sida kenak jatimula krama inucap mewali dados krama Desa malih ngantos krama inucap polih nyada ritakala yusane sampun 75 tahun. (Telung Benang Tiban)

### Pawos 9

Petuas utawi olih – Olihan Krama Desa Adat Sukaluwih luire :

- Ha. Polih pesayuban utawi pengayoman sakeng Prajuru Desa Adat Sukaluwih.
- Na. Wenang nyarengin rikalaning Faruman tur wenang ngamedalang bebawos utawi daging pikayun ring sajeroning nepasin wicara.
- Ca. Krama Ngelaga wenang sareng; nuenang seurah arih pedagingan lan pemargi ring Desa Adat, tur rikala mewali mantuk nenten malih ngamedalang jinah pengepok yening sampun aktip naur jinah pengunggu.
- Ra. Rikala Desa Adat keni ayah – ayahan (Mekarya) sajeroning pekaryan Aci utawi pekaryan ngewangun, yening wenten Krama Dadia taler ngelaksanayang Yadnya, Krama Dadia inucap kedadosang neregteg Karya/Petedunan sausan yadnya Krama dadia inucap.
- Ka. Polih pahpahan / Kawas ring sajeroning Aci.

### Pawos 10

Wusan dados Krama Desa Adat Sukaluwih sangkaning :

- Ha. Nilar agama lan Kawitan mejalaran tan rahayu, Sang wusan/kausanang punika patut kadulurin antuk panugrahan ilekita sane pastika sakeng Prajuru Desa Adat lan Prajuru Banjar Dinas
- Na. Pinunas ngeraga menawi kesah ke Dura Desa utawi ngelangkungin segara.
- Ca. Wusan sangkaning pemargi tar becik, nenten polih pahpahan sane merupa duen Desa.
- Ka. Prade metulak malih pekayunan dados Krama Desa Adat Sukaluwih wenang kakeninin pengepok 200 (satak) kg beras halus.

### PALET 2

### INDIK PRAJURU DESA ADAT

### Pawos 11

- Ha. Desa Adat Sukaluwih kaenter antuk Prajuru sekadi :
  1. Bendesa, pinaka pengulu sane ngawedarang lan mapikukuhin Desa Adat Sukaluwih.
  2. Penyarikan, pinaka juru tulis/surat
  3. Juru Raksa, utawi pengemong duen Desa Adat
  4. Pasek, Pinaka pamikukuh tata Agama lan upakara – upacara ring Desa Adat Sukaluwih.

Na. Prajuru Keliang Desa Adat Sukaluwih keadegang malaran antuk :

1. Mawiwit sakeng keturunan Krama Dadia Dukuh Kaja lan Krama Dadia Kangin (Apemaksanaan Kayu Selem)
2. Mawiwit sakeng Krama Desa Adat Sukaluwih karereh asiki soang – soang Dadia ring 6 Dadia sane wenten ring Desa Adat sukaluwih, mekadi, Dukuh Kaja, Dadia Kangin, Dauh Puseh, Delod Desa, Karang Buncing, lan Tangkas.
3. Nyanjan Nunas wecana.
4. Pemilihan Prajuru karihinin antuk ngerauhang Prajuru, Dadia, Pemaksan, Banjar lan Krama sane kasinanggeh tokoh masyarakat, Genah pemilihan inucap ring Pura puseh, Pura Desa/Bale Agung.
5. Prajuru Desa Adat keadegang sanunggil 10 tahun (Dasa Warsa) sajawaning wenten sios pemargi, indik dados kepilih malih saha kadulurin antuk upakara Pejati ring Kayangan Tiga.

#### Pawos 12

Ha. Krama Desa sane pacang kasudi dados Prajuru Desa Adat wantah mangda sida :

1. Wikan ring pepelutuk Desa Adat Sukaluwih lan medue rasa tetimbang.
2. Wikan nyurat aksara latin utawi aksara Bali.
3. Nenten cad,angga cacad utawi sungkan sungkanan.
4. Medasar sangkaning lascarya ngaturang ayah sekala lan niskala.
5. Krama sane kasudi Krama sane jenek melinggih ring Desa Adat Sukaluwih.

Na. Tata Linggih Prajuru/Keliang rikalaning munggah sangkep ring Bale Agung:

1. Bendesa, ring kaler kangin.
2. Penyarikan, ring Kelod Kangin.
3. Juru Raksa, ring Kaler kauh.
4. Pasek, ring Kelod kauh.

#### Pawos 13

Swadarmaning Prajuru/Keliang Desa Adat Sukaluwih luire:

1. Ngenterang kalih ngerajegang sedaging Awig – awig pasuara muah perarem Desa.
2. Nuntun lan ngenterang Krama Desa ngupeti manut petitis.

3. Nuntun kalih nyaksinin tata cara Krama ngelingang pakulewargan.
4. Nyeledinin Desa rikala ngewentenang paruman, bebawos ring sapasira ugi.
5. Maosin kalih niwakang pemutus marep ring wicara Krama Desane.
6. Ngambil lan ngamedalan kewicaksanaan manut pebuat sane tan lempas ring daging awig awig sane kemanggehang.

#### **Pawos 14**

Petuas lan olih - olihan Prajuru Desa Adat Sukaluwih liire :

1. Nenten keni sahanan pepeson lan urunan sekadi Krama Desa, (luput rerampen)
2. Pikolih dum-duman ring Desa n kel.
3. Polih pikolih sakeng upon – upon tegal, sakeng Pelaba Pura ngewarsa wantah 10% (Dasa Persen) sakeng pengeranjingan upon-upon tegal Pelaba Pura.
4. Olih-olih siosan manut Perarem Krama Desa.

#### **Pawos 15**

Prajuru/keliang Desa Adat sukaluwih kagentosin riantukan :

1. Kapunggelan Yusa / Padem
2. Pinunas ngeraga turmaning pol h perarem/pemutus sakeng Krama.
3. Kanorayang antuk Krama Desa riantukan nilar Awig-Awig, Sesana, Dresta, lan Agama.
4. Wates Ayah-Ayahan sampun telas lan tan kepilih malih.
5. Ngenorayang utawi ngentosin Prajuru/Keliang Desa Adat patut ring sajeroning Paruman Desa Adat ring Bale Agung tur keraremin antuk Krama desa sekirang kirangne rauh 50 % (Seket Persen) langkung Adiri sakeng akueh Krama.

#### **PALET 3**

### **INDIK PARUMAN / SANGKEPAN**

#### **Pawos 16**

- Ha. Paruman utawi sangkepan Desa Adat sukaluwih kemargiang ngesasih satunggil purnama utawi kemargiang nyundul pet ring nuju Purnama tan wenten Galah.
- Na. Sadurung Paruman/Sangkepan Krama Desa Adat sareng sami Nuju Rahina Purnama, karihinin antuk sangkepan Krama Desa Pengarep/Pengayah Munggah Sangkep ring Bale Agung.



- Ca. Sedurung kemargiang Paruman/sangkepan Desa Adat sareng sami, Prajuru patut sampun nyikiang pekayun indik wicara sane pacang kebaosin sareng Prajuru sami, Cacar Samah lan manggala manggala siosan.
- Ra. Paruman taler kengin kelaksanayang padgata kala manut pebuat.
- Ka. Paling nenten pitung rahina sedurung Aci/Piodalan kemargiang, ugi Prajuru, Pemangku lan Krama Desa mangda sampun ngewentenang paruman.
- Da. Sahanan Paruman/sangkepan Desa Pengarep kemargiang sekadi :
1. Presida Lumaksana risampun ketedunin antuk ring sang patut nitenin Suara Kulkul.
  2. Tan maren kemenggala ngarcana olih keliang (Pasek) pinaka widi widanacara.
  3. Para saya Pesayaan Tanah patut ngaturang pangubakti melarapan antuk canang capah, leletan, Jambe, tur karuntutin Sajeng kalih beruk mewadah kelukuh pinaka petabuhan.
  4. Krama Desa pengarep maturan Prani pinaka larapan ikrama Desa nedunin paruman/pesangkepan.
  5. Tan Kalugra Krama Desa ngawe aken suara gora utawi biota ring paruman,yen hana mangkana keni pamianda pecamil/kesipat 2 kg beras.
  6. Pamutus kautsahayang melarapan antuk suara gilik saguluk salunglung sebayantaka, yan prade ten prasida suara sane makehan kasinanggeh pamutus.
- Ta. Rikala Paruman/Sangkepan/Mungguh sangkep Jero Pengayah ugui mangda mepengangge adat, saput maumpal,madestar tur nyungkit keris meganja,
- Sa. Seusan Mungguh sangkep Jero Desa Pengarep Galah 11 siang, galah 1 siang Krama Desa Sareng sami tedun apupul ngewentenang peparuman/Pesangkepan, prade daging peparuman nenten utawi durung kaingkupin, mangda Prajuru utawi manggala ngutsahayang ngilikang bebao: saha putusannia, mangda sida keraremin antuk ikrama Desa, yening nenten prasida keingkupin ngantos ping tiga kebaosin, Prajuru kangkat nunasang ring Majelis Desa Pakraman utawi ring Guru Wisesa.
- Wa. Ring pinih untat Paruman/Sangkepan kelaksanayang ngabsen utawi nyacak .
- La. Sahananing pamutus Paruman Desa punika kasinanggeh Perarem pinaka pamitegep daging Awig-Awig.

#### PALET 4

### INDIK KULKUL

#### Pawos 17

- Ha. Kewentenan Kulkul ring Desa Adat Sukaluwih
1. Kulkul Desa Adat ring Pura puseh.

2. Kukul Seka Gong ring Pura Puseh
3. Kukul Seke Teruna ring Pura puseh.
4. Kukul Banjar Patus ring Banjar soang-soang
5. Kukul Banjar Dinas Ring Balai Banjar/Paud
6. Kukul Pemaksan ring Pura pemaksan
7. Kukul Dadia ring Pura Paibon soang-soang

Na. Tetepekan utawi tabuh Kukul metiosan manut / pebuat tetujon sekadi :

1. Tetenger tedun ngayah utawi paruman, tabuh Kukul biasa atuludan.
2. Tetenger wenten kepancabaya, Tabuh Kukul Bulus.
3. Tetenger jagi wenten tedun nadak ten polih arahan sedurungnyane tabuh Kukul Biasa Kalih tikelan/tuludan, makacihna wenten piuning.

Ca. Tetepekan utawi suara Kukul cihna wenten Krama manggih keni Pancabaya sekadi ring sor :

1. Kalih Tuludan bulus cihna wenten biota, kerampokan lan keicalan,
2. Tigang tuludan bulus cihna wenten Baya Pati.
3. Petang tuludan Bulus cihna wenten baya kapuunan lan kebakaran.

Ra. Pabuat Nyanggra suaran Kukul manut dudonan sekadi ring sor :

1. Kukul mesuara biasa patut katedunin manut ayahan sekadi daging piuning/siaran Prajuru.
2. Kukul mesuara Bulus Patut katedunin digelis, saha megegawen manut ring tetenger panca Baya.
3. Kukul mesuara kalih tuludan pinaka suara kukul piuning patut ketakenang tetuweknyane ring Prajuru.
4. Kukul mesuara wantah tigang klentungan, kewastanin Kukul buung sane mecihna wangde sehananing petedunan.

Ka. Kukul patut katepek olih Prajuru utawi sane katuduh, yening wenten nepek Kukul nenten sangkaning pituduh Prajuru patut kakeninin pamidanda 2 kg beras halus.

## PALET 5

### INDIK DRUWEN DESA ADAT

#### Pawos 18

Padruwean Desa Adat sukaluwih luire :

Ha. Kayangan Desa sekadi :

1. Pura kayangan Tiga
2. Pura Kayangan Desa
3. Pura Pesimpenan
4. Pura Jurang
5. Pura Lumbung
6. Pura Pakel
7. Pura Beji.
8. Pura Penyatur aci tumpek uye
9. Pelinggih ring Pempatan.

Na. Tanah tegalan Pelaba Pura.

Ca. LPD (Lembaga Perkreditan Desa)

Ra. CBD

Ka. PAUD (Pendidikan Anak Usia Dini)

Da. Setra Apelebahan

Ta. Lelanguan / tetabuhan lan Ilen-Ilen :

1. Gong Peturun Asibak
2. Bajra/Genta
3. Gender Wayang 2 Rancap
4. Gong Abarung
5. Caruk
6. Geguntangan
7. Ilen-ilen wali sekadi :

A. Rejang Lanang Rejang Istri.

- B. Wali Babuang/Mebuhubuhu.
- C. Wargasari/Pesantian.
- Sa. Prabot inventaris siosan.
- Wa. Tanah Druwen Desa sane merupa Abian Salak.
- La. Sahananing padruwan Desa nenten kangkat ketitah/keadol sedurung polih cacumpon Krama sareng sami.

#### Pawos 19

Pioli – olih Desa Adat Sukaluwih luire :

1. Sakeng pioli-oli Pelaba Pura.
2. Sakeng pioli bati ring LPD.
3. Sakeng penebus Tabuh Rah.
4. Sakeng Pengunggu Krama
5. Sakeng Urunan Krama
6. Paica/sumbangan sakeng Guru Wisesa/Pemerintah.
7. Paica-Paica sane siosan sane sah lan Patut.

#### PALET 6

### INDIK SUKERTA PAMITEGEP

#### Kaping 1

#### Karang Tegal

#### Pawos 20

- Ha. Sang ngenahin Karang patut ngewatesin karang inucap antuk pagehan utawi tembok mangda tan kanten pawangunannyane.
- Na. Sajeroning nabdabin Pekarangan soang-soang mangda nganutin TRI HITA KARANA malarapan antuk TRI ANGGA.
- Ca. Swadarmaning Krama Desa ring sajeroning karang paumahan tan kuasa melaksana niri-niri sekadi, Ngempetin Lawangan, Rurung, Nglintangin wewatesan sedurung polih pemutus sakeng Prajuru Desa Adat, yening wenten sane memurug kakeninin pamidanda 25 kg beras lan Daging wicarannyane kaputusan antuk Prajuru Desa Adat
- Ra. Yening Pradene wenten karang kebebeng patut polih margi.

- Ka. Prade wenten karang Krama sane camput utawi putung, punika katiwakang ring Dadian ipune yan prade nenten Medadia samian padrueannyane kewawa antuk Idesa Adat.

### Pawos 21

- Ha. Tegal patut janten wewatesarnyane manut ring druwen soang-soang Krama miwah padruean Desa.
- Na. Wewatesan inucap kengin antuk pagehan taru puring utawi taru turus lianan utawi cihna PAL sakeng Pemerintah/Angawerat.
- Ca. Desa kedadosang ngemargiang rerampagan rikalaning pacang ngewangun lan mecikang Pura, sakewanten naler sangkaning sami arsa Desa lan sane nuenang tegal punika.
- Ra. Tegalan sane kedue antuk Krama Desa siosan sane wenten ring wewidangan Desa Adat Sukaluwih patut keni penigasaan setunggil wenten Upacara metabuh gentuh ring Desa Adat Sukaluwih.
- Ka. Krama Desa Adat Sukaluwih yening ngadol tanah Tegal sane medaging Pesayaan utawi Ayahan ke Desa Adat, patut mesadok dumun ke Prajuru Desa Adat lan Ke Kliang Banjar Dinas sedurung polih panugrahan durung kangkat ngadol tanah inucap.

### Pawos 22

- Ha. Krama Desa Adat sukaluwih sajeroning ngetangang tegal lan karang tan kalugra :
1. Ngelahlahang Tanah tegak Karang Suci, Setra, Tanah Tegalan, margi sedurung polih cecumpon ring sane mapaiketan tur kesaksinin antuk prajuru Desa Adat lan Banjar Dinas.
  2. Ngembakang Toya wit sakeng genah wewalungan utawi pewaregan ke pekarangan Krama siosan, utawi ke margi umum.
  3. Ngentungang wangke wewalungan utawi luu ke margi, tukad, miwah pekarangan Krama siosan, wangke inucap patut kapendem.
  4. Ngerereh sedaging tanah Pelaba Pura sedurung polih paweh sakeng Prajuru Desa Adat.
  5. Ngerereh Batu nampek ring wewangunan Desa lan duen Krama siosan mewates 10 meter.
  6. Ngenahang barang-barang ring margi sane ngeruwetin margi inucap lintangan ring arahina.
- Na. Prade wenten memurug sekadi ring ajeng kekeninin pamidanda akehnyane 10 (Dasa) kg beras, sang sane ngelahlahang tanah patut ngewaliang tanah inucap tur kadulurin antuk upacara upacara yan sane kelalahang punika karang suci.

## Kaping 2

### KEKAYONAN

#### Pawos 23

- Ha. Ngawit metetanduran tanem tuuh inggih Punika :
1. Sakeng wewangunan Pura lan Pekarangan Krama mewates 12 meter napi malih tetanduran sane penadosannia ageng.
  2. Ring tanah tegalan sane sanding kesanding patut 3 meter ngeranjing sakeng wewatesan soang-soang sabinaning sane ketandur andap penadosannia.
- Na. Prade wenten taru mentik ring sajeroning wates, kengin kewara antuk penyandingnia tur kesadokang ring Prajuru Desa Adat.
- Ca. Prade wenten taru sane kasinanggeh ngewetuang Baya, sang keberatan patut nguningayang ring Prajuru Desa Adat.
- Ra. Sang sane mamurug patut kakeninin pamidanda manut daging perarem sane mapaiket tur saksi sakeng Prajuru, pamidanda inucap merupa brana ketaban lan upakara penyagaskara.

## Kaping 3

### WEWANGUNAN

#### Pawos 24

- Ha. Wewangunan Krama nenten kepatutang ngayubin ke pisaga.
- Na. Prade wenten ngayubin, risarnpun kesadokang ring Prajuru patut kebecikang utawi keured yening neten kelaksanayang keni pamidanda 25 (Selai) kg beras, tur wewangunan inucap tur wewangunan punika kaured antuk Pecalang sangkaning pengendikan Prajuru Desa Adat.
- Ca. Prade wewangunan punika ring telenging wates utawi ngelintangin wates patut ngewentenang paiguman ring penyandingnia tur kesadokang ring prajuru Desa Adat lan Banjar Dinas prade mamurug riwekas yan kewara antuk mekadinia wenang wewangunan punika kegingsirang lan nenten polih prebia.

## Kaping 4

### WEWALUNGAN

#### Pawos 25

- Ha. Sehananing krama Desa sane memiara wewalungan patut sayaga nitenin sekadi negul, ngelogorin mangda tan ngerusak karang utawi tegalan.

Na. Prade wenten mamurug sekadi inucap ring ajeng patut kesadokang ring sang medue wewalungan.

Ca. yan ngantos ping kalih kasadokang, raris kerahin olih Prajuru Desa Adat wau ketiwakin pamidanda sekadi ring sor :

1. Naur Prebia kapocolan manut pemuutus Prajuru.
2. Naur denda 10 (Dasa) Kg beras tur ngewentenang Upacara yening wewalungan kantos ngelethin karang suci.
3. Nebas antuk prebia manut pemuutus Prajuru Desa akehnyane 10 (Dasa) kg beras.

#### **Pawos 26**

Nenten dados ngangon ring :

Ha. Palemahan karang utawi kahyangan suci Pura.

Na. Tanah Desa tawi tanah krama siosan.

Ca. Margi Desa/Umum lan lapangan umum

Ra. Prade wenten mamurug patut kapidanda 10 (Dasa) Kg beras lan upecara manut genah lan pebuatnyane.

#### **Kaping 5**

#### **BAYA**

#### **Pawos 27**

Ha. Pariindikan Baya lur ipun : Jiwa Baya, Arta Baya lan dura cara sane siosan.

Na. Sang ngemanguhin Baya patut nepek kulkul ring jeronnyane sane nyihnayang nunas petulung ring Krama siosan.

Ca. Sang sane ngemangghin Baya patut mesadok ring Prajuru.

Ra. Sang sane ngawinang metu bayu patut keni pamidanda manut ageng alit bayu sane kawetuang lan manut daging perarem.

Ka. Yan wenten nguregada tetanduran, sawawaning ketunasang ring sang anggawerat taler keni pamidanda lan ngewaliang tetanduran inucap.

Da. Prade wenten memandung sang sane kasinanggeh suci patut kapidanda maweweh ngewentenang upakara penyagaskara.

Ta. Sang ngewetuang Duracara ring Desa mecihna ring Tri Premana (Ilikita, Bukti, lan Saksi) wenang jatma punika kapidanda manut perarem Desa.

Sa. Prade ring Desa kehanan jiwa bayu, Desane patut ngaturang upakara buta yadnya tur sang mayanin katur ring sang anggawerat.

## Kaping 6

### PENYANGGRA DESA ADAT DADIA LAN BANJAR ADAT

#### Pawos 28

- Ha. Desa Adat Sukaluwih kesanggra antuk 6 (Enem) Dadia luiripun :
1. Dadia Dukuh Kaja, Dadia Kangin, Dadia Dauh Puseh, Dadia Delod Desa, Dadia Karang Buncing lan Dadia Tangkas, nanging Dadia Karang buncing kasikiaang pewilangannyane dados dadia Delod Desa duaning Kramannyane akedik, mekawinan napi luire pepeson kaepah Dadia dados 5 (Lima) Dadia.
  2. Krama sane wit sakeng dura desa nanging jenek mepaumahan lan dados Krama Desa Pakraman Sukaluwih kesikiang pewilangannyane ring Dadia Delod Desa.
- Na. Desa Adat Sukaluwih taler kasanggra antuk 3 (Tiga) Banjar Patus.
- Ca. Rikala ngewangun yadnya suka duka kengin nunas penyanggra Krama pekraman Banjar Patus manut pebuat.
- Ra. Krama Banjar Penyanggra patut kaingu manut wibuh kincitne upakara lan upacara sane kelaksanayang.

## Kaping 7

### INDIK SEKEHA TERUNA

#### Pawos 29

- Ha. Desa adat Sukaluwih kesanggra antuk Sekeha Teruna
- Na. Sekeha Teruna kewangun antuk Prajuru Desa Adat manut Yusa anom-anome.
- Ca. Sekeha teruna kewenangannia swaka widya sastra, ngawerdiang kauripannia riwekas yan tan satinut tan kedadosang tedun dados Krama Desa Adat, yening istri tan kesaksinin ritatkala pawiwahan
- Ra. Prajuru sekeha Teruna kemangzala nitenin ring darmaning yowana.
- Ka. Sekeha teruna ngamong ayahan sekadi : nitenin keasrian natar Pura Kahyangan Desa, Balai Banjar lan margi ring wewengkon Kayangan lan Banjar.
- Da. Sekeha teruna taler nyanggra ngayah ke Desa Adat rikala ngelaksanayang saluir Aci/Pujawali lan wewangunan.
- Ta. Pariindik pamitegep wewengan Sekeha teruna keilekitayang ring gegaduhannia.



## Kaping 8

### INDIK SEKEHA GONG

#### Pawos 30

- Ha. Desa Adat Sukaluwih karemba antuk sekeha Gong.
- Na. Sekeha Gong mawit sakeng Krama Desa sane seneng lan wikan ring tetabuhan Gong.
- Ca. Sekeha Gong kemanggala olih Prajuru Sekeha, sane mawit sakeng sekeha inucap.
- Ra. Sekeha Gong utawi gong druwen desa patut ngaturang ayah-ayahan metetabuhan ring satunggil aci/pujawali ring Pura kayangan Desa, lan genah siosan manut pebuat.
- Ka. Krama sekeha Gong ring Desa Adat polih keinginan ayah-ayahan sekadi :
1. Nenten keni ayah-ayahan petedunan lanang yadian istri rikala Desa ngewentenang petedunan sawawaning paruman Desa utawi arahan mebuat sakeng guru wisesa (Pemerintah)
  2. Nenten kekeninin Pepeson ritatkala Aci/Piodalan sawawaning odalan Ajengan lan Ayam Alit.
  3. Urunan Jinah tetep sekadi Krama siosan.
- Da. Pariindik pamitegep siosan ngeninin sekeha Gong kelekitayang ring gegaduhannia.

## Kaping 9

### INDIK PECALANG

#### Pawos 31

- Ha. Desa Adat Sukaluwih kesanggara antuk Pecalang
- Na. Pecalang keadegang antuk Prajuru mewit sakeng wala soang-soang Dadia.
- Ca. Pecalang kemanggala olih Prajuru Pecalang sane mawit sakeng Krama Pecalang.
- Ra. Pecalang patut ngenter katreptian wewidangan lan Krama Desa Adat Sukaluwih.
- Ka. Krama Pecalang ring Desa Adat polih keinginan ayah-ayahan sekadi :
1. Nenten keni ayah-ayahan petedunan lanang yadian istri rikala Desa ngewentenang petedunan sawawaning paruman Desa.
  2. Nenten kekeninin pepeson rikala Aci/Piodalan sawawaning odalan Ajengan lan Odalan Ayam alit.
  3. Urunan peturunan jinah pateh sekadi Krama Desa lianan.
- Da. Parindik pamitegep siosan ngeninin Pecalang kelekitayang ring gegaduhannia.

## SARGA IV

### SUKERTA TATA AGAMA

#### Palet 1

#### Indik Dewa Yadnya

#### Pawos 32

Ha. Pelinggih ring wewidangan Desa Adat Sukaluwih lur ipun :

1. Pura Desa
2. Pura Puseh
3. Pura Dalem
4. Pura Pengulun Setra/Prajapati
5. Pura Pengapit Lawang
6. Pura Pesimpenan lan Pelinggih Ida Betara Ngerata Gumi
7. Pura Pakel
8. Pura Jurang
9. Pura Lumbung
10. Pura Beji ring sengkak
11. Pelinggih Tugu ring Pempatan
12. Pura Pemaksan

Na. Rerahinan/piodalan ring Pura - Pura luire :

1. Pura Desa lan ring pelataring Pura Jurang
  - a. Wus Purnama Sasih Kepitu Nuju Kajeng
  - b. Metamyu Desa sasih kaulu tigang rahinan sedurung petabuan usaba dalem/Ida Ratu Bagus selonding rauh sakeng Desa Adat Selat rikala tangkil ring Ida Ratu Bagus (Betara Brahma) sane malinggih ring meru tumpang 5 (Lima) ring Pura Puseh raris Desa Adat Selat nagingin pulu ring Pura Lumbung.
2. Pura Puseh
  - a. Usaba Emping usaba pengendang nuju purnama sasih kasa, suen aci kalih rahina.
  - b. Betara turun kabeh mekiis nuju sasih kesanga
  - c. Sugihan Bali Nuju Sukra Kliwon Sungsang
  - d. Mecaru/Mesegeh ring Pura Puseh nuju tileming sasih kenem amanca sato.

- e. Ngepitu lan Nyungsung ring Purnamaning sasih Kepitu
  - f. Aci Petabuhan nuju sasih Kawolu nemu Pangglong
  - g. Aci Mecaru/Pengerupukan tilem Kesanga ring Pempatan Baler Dangin Pura Pusen.
  - h. Metabuh Gentuh kemargiang Tigang dasa warsa apisan, Nuju Tilem kenem tur kelanturang antuk Karya Nubung Daging nemuning Purnama sasih Kepitu.
3. Pura Dalem
- a. Usaba Dalem/Usaba Dodol ring Sasih kaulu nemu penanggal
  - b. Piodalan ring Buda Wage kelau.
  - c. Mesegeh ring sasih Kasa nemu Penanggal
4. Pura Pengulun Setra/Prajapati lan Pengapit Lawang
- a. Usaba Dodol
  - b. Buda Wage Kelau
5. Pura Pesimpenan lan Pelinggih Ida Ratu Ngerata Gumi
- a. Ring rahina Purnama Kasa/ Usaba Emping
  - b. Piodalan Ring Buda wage kelau Ngaturin Ida ratu Naga Basukih
6. Pura Lumbung
- a. Piodalan ring rahina Saniscara kliwon Wariga
  - b. Wus purnama sasih Kepitu Nuju Kajeng
7. Pura pakel
- a. Piodalan ring Buda wage Kelau
8. Pura Patokan
- a. Piodalan ring Rahina Buda Kliwon Ugu
9. Pelinggih ring Pempatan
- a. Piodalan mecaru ring Tilem Sasih Kesanga/Pengerupukan
10. Pura Pemaksan
- a. Purnama Sasih Kelima
11. Pura Pura Paibon/Dadia
- a. Pura dadia Dukuh Kaja
    - a. Anggara Kliwon Dukut
    - b. Purnama sasih Kapat

- b. Pura Dadia Kangin
  - a. Buda manis Dukut
  - b. Purnama Sasih Kedasa
- c. Pura Dadia Dauh Puseh
  - a. Anggara Keliwon Julungwangi
  - b. Sugimanek Jawa
  - c. Saniscara Umanis watugunung
  - d. Purnama sasih Kapat
  - e. Sukra Manis Kelau
  - f. Buda Wage Ukir
- d. Pura Dadia Delod Desa
  - a. Anggara Kliwon Merlangsia
  - b. Buda Wage Kelau
  - c. Sugihan Bali
  - d. Purnama sasih Kapat
- e. Pura Dadia Karang Buncing
  - a. Buda Wage Kelau
- f. Pura Dadia Tangkas Kori Agung
  - a. Saniscara Umanis Watugunung
  - b. Sugian Jawa, Wraspati Wage Sungsang
  - c. Sukra Umanis Kelau
  - d. Tumpek Krulut
- g. Piodalan Ida Ratu Bagus Eiebotoh ring Rahina Saniscara Kliwon Uye(Tumpek Uye) mejalaran Tabuh Rah antuk ayam mesenjata, suennyane arahina sane kekawitin antuk nyatur Desa, paiderannyane nganutin Purwa Daksina ngenem sasih, inggih punika sakeng sisi kaler kangin, kelod kangin, kelod kauh lan kaler kauh, punika kemargiang ngenem sasih imanut paider Krama Desa Adat Sukaluwih.
- h. Pengaci siosan
  - Piodalan Betara Sri Rambut Sedana ring rahina Sukra manis Kelau, ring Meru Tumpang kalih baler dangin Pesamuan ring pura puseh.
  - Piodalan Gong ring Saniscara Kliwon krulut (Tumpek Krulut)

- Rerainan Umum Agama Hindu sekadi Galungan lan Kuningan
- i. Mendak toya ring Beji ring sasih Kapat nuju penanggal ring Beji Desa sane beduuran ring Beji sengkang amung ngaturang piuning.
- Ca. Penelas/Prebia Aci/Piodalan Kakeniang sakeng :
1. Upon-upon ring Pelaba Pura.
  2. Pikolih Bati sakeng LPD.
  3. Urunan Krama Desa.
  4. Dana Punia lan sane siosan sane patut.
  5. Aci Petabuh Gentuh prebia kakeniang sakeng tanah pategalan sane wenten ring sajebag wewidangan Desa Adat Sukaluwih.
- Ra. Sahananing pamitegep indik pidabdab pemargi Aci/Piodalan ring Desa Adat Sukaluwih, munggah ring cakepan pidabdab Aci sane kegamel antuk Dane Jero Mangku.
- Ka. Ritatkala ngemargiang Aci ring Pura-Pura, Prajuru Desa Adat Sukaluwih ketampihin antuk Jero Saya, Saya punika sampun katibakin pamongan sakeng asasih sadurung Aci kamargiang utawi ritatkala Parjuman Desa Pengarep.

### Pawos 33

- Ha. Ring soang-soang Pura kawentenan Pemangku manut pebuat.
- Na. Ngadegang Jero Mangku melarapan sangkaning keturunan waris medasar Kawitan
- Ca. Tan wenang ngangge Pemangku sekadi :
1. Cedangga, sekadi peceng, perot, cungh lan sepenunggilan
  2. Sang sapisira ugi sane tan kepatutang manut perarem
  3. Sakit ila, Ayan, buduh, wiadin edan.
  4. Sane madue kasucian Urip tan becik.

### Pawos 34

- Ha. Swadarmaning Pemangku, inggih punika :
1. Nitenin nuntun kesucian Kahayangan.
  2. Ngenterang Upacara/Upakara piodalan ring Kahayangan Desa Adat Sukaluwih miwah soang-soang pawongan.
  3. Ngaturang aturan Krama Desa Adat Sukaluwih utawi sakeng dura Desa.
  4. Ngemargiang Tri Kaya Parisuda, Catur Paramita, Panca Yama Brata, lan Asta Brata.

- Na. Sang sane pacang mepinauran patut mesadok ring Prajuru Desa Adat, Pasek, Bendesa, Penyarikan, Kubayan tur kaunggahang dados druen Desa luir ipun :
1. Penauran Upakara lan wewalen.
  2. Penauran lelues, mule-mule lan sepenunggalannia.
  3. Sesari-sesari.
  4. Sabinaning penauran pejati lan sepenunggalannia sane mewali kalungsur, kengin kapuputang antuk pemangku kemaon.
- Ca. Ngenterang Panca Yadnya yenirig ngemargiang utama yadnya, kengin nuur Dwijati sane pacang muputang, Para Pemangku pinaka penyanggra.
- Ra. Rikala Pemangku Pacang ngenterang Pujawali ring Khayangan Desa Adat Sukaluwih ugi pisan mangda mebusana sarwa petak

### Pawos 35

Patuas utawi olih-olihi Pemangku inggih punika :

1. Arta Daksina Penganteb muah penunggalannia ritatkala wenten mepenauran.
2. Olih-olihi sekadi kawas kirangan malih asiki ring Dane Prajuru Adat.
3. Luput urunan lan pepeson

### Pawos 36

Ha. Pemangku Tan Kalugra :

1. Ngambil sawa/anak padem sebeten pala.
2. Mepunyah-punyahan.
3. Dados saksi Krama suka, sejawaning kabuatang olih sang angawerat.
4. Ngelaksanayang Panca Ma.

Na. Yan Prade memurug patut keparitatas olih Prajuru Desa Adat.

Ca. Pemangku kagentosin riantukan :

1. Kelayusekaran/Seda.
2. Pinunas ngeraga sangkaning alasan sane patut.
3. Kausanang sangkaning melaksana tan patut (Asta Dusta)

Ra. Prade pemangku kausanang sangkaning melaksana Asta Dusta keni pamidanda manut perarem saha ngewaliang prebia pawitenan duke dumun.

Ka. Prebeya Kepemangkuan :

1. Adiksa Widi pawintanan, kamedalin saha kalaksanayang antuk sang ngadegang, mekadi Krama Desa Adat, / pengempon kayangan soang-soang.
2. Mapitra Yadnya riwekas patut kasungkemin antuk Krama Desa Adat utawi pengemong sanistanne Brahma Prayascita wladin penyanggranne nganut perarem amung prebeya upakarannya.

### Pawos 37

Kasukertan Khayangan sekadi ring sor :

Ha. Tan Kalugra Ngeranjing ke Pura :

1. Sang ketiben cuntaka
  - a. Sebel kandel ngeraja sewala.
  - b. Sebel medue oka selami durung akambuhan.
  - c. Sebel penganten selami durung pabyakaonan.
  - d. Sebel riantuan medue kulewarga kepademan ngantos mesapuh.
2. Makta barang sane kasinanggeh ngeletehin.
3. Makta Sato Ageng sejawaning mepepada.
4. Yan tan mabusana Adat manut Desa Kala Patra, sadurung polih wakwakan ring Prajuru Desa Adat.

Na. Krama Desa Adat Sukaluwih tan wenang ring Pura:

1. Mesumpah utawi nyayub Cor sejawaning pituduh Prajuru Desa Adat.
2. Ngawe biota, semara dudu, me sacin, mewarih, misusun oka, karin kantos miji rah.
3. Munggah tedun ring Pelinggih da Betara, sajawining pituduh sakring Prajuru Desa Adat utawi Dane Jero Mangku.

Ca. Sang mamurug sekadi angka Ha, Na, ring ajing kere pamidanda maweweh panyagaskara/Pemerascita sepatutnia, yan prade Pemangku sane mamurug kengin kausanang dados pemangku

Ra. Prade wenten Krama kasurupan ring Pura, prade rumasa kasumangsayaan kengin kapintonin antuk genin dupa, yan prade tan sayewakti jama inucap kerauhan kasisipang manut perarem.

Ka. Prade Khayangan kahanan Durmenggala minakadi sapancabaya, Pemangku mangda digelis nyadokang, ring Prajuru Desa Adat mangda marumang Krama Desa tur ngewentenang Upacara sepatutnia.

- Da. Sang sane pacang ngeranjing ke Pura, mangda ugi mepengangge Adat bilih-bilih rikala Aci/Piodalan mangda mepengangge Adat setegep sekadi patut.
- Ta. Pasukertan sajeroning muspa miwah maturan ring Pura:
1. Makta Canang lan Dupa pemuspaan.
  2. Nganutin pengenter Jero Mangku, malarapan manah suci nirmala.
  3. Sane Rauh pungkuran mangda nyantosang kantong sane dumunan wusan/puput muspa.
  4. Rikala muspa sane lanang kepatut mesila lan sane istri kepatut metimpuh.

## Palet 2

### IINDIK RSI YADNYA

#### Pawos 38

- Ha. Sang pacang mapodgala utawi maduwijati, sajawining nunas panugrahan ring sang wenang (PHDI utawi kantor Agama lan Majelis Desa Pakraman) naler patut mesadok ring Prajuru Desa Adat.
- Na. Prajuru inucap sareng nitenin lan nureksa mangda sulur kalih pamargine sayewakti manut ring kecaping Sastra Agama.
- Ca. Sesampun puput meduwijati, Prajuru Desa Adat patut digelis ngentosin Bisekan sang diniksan ring sahanan ilekita antuk Biseka Kawikon manut ring Panugrahan nabennyane, raris keaturan/kesiarang ring Paruman Desa Adat.
- Ra. Krama Desa patut ngaturang ayah sepemadeg miwah ring penglepas sang Sulinggih riwekas katuntun antuk Prajuru Desa.

#### Pawos 39

- Ha. Prajuru Desa Adat patut nureksa, nawengin tur ngalangin yan prade wenten pemargin yadnyane tan manut sekadi tata Agama lan kakecap Sastra.
- Na. Krama Desa Adat Sukaluwih patut ngawe lan nitenin Yadnya, katuntun antuk Prajuru Desa Adat mangda sahanan yadnya sane kewentenin pamekas olih sang Sulinggih manut kawenangannia soang-soang.
- Ca. Prajuru Desa Adat patut nuntun saha ngemanggala Krama Desa Adat nureksa lan nitenin sepemargi Wikune ring wewidangannia pamekas mikukuhin lan negdegang Kesucian linggih Idane.
- Ra. Ngaturang Dana Punia ring sang muput Karya manut ageng alit yadnyane.



**Pawon 40**

- a. Sajawaning Pamangku saka masuwitan mamustang panyang nganteng utawi Naleng patut ngumungayang ring Prasura Desa Adat.
- sa. Prasura Desa Adat wening nriman, murtaka lan ngalangi prosa wanda kaplana nyasar laku ring sebaya mawit katekap bedra.
- ca. Prasura Desa Adat patut nyakoni saupakamasa lan mutawing ring Pamangku Desa Adat, teges nyalang wala-wala kawenangannya nganteng lipawira sa.

**Patet 3**

**INDERI PITRA YADNYA**

**Pawon 41**

- na. Pengabdian lan masuwitan ring 12 (doras) rahina salung bedra ngadun nini
- na. Sababakan Pengabdian patut kamangiang ring betra up.
- ca. Sang ngadun yening mungkin mangda kagenahang ring dumungun.
- fa. Sane dadas murtas utawi murtas nggih gunita Krama Desa Adat
- ka. Yening wanda jama salung Desa Adat Sukalawit, bedra ring duna Desa/Lan Desa kangkat kalakita mambuk ke kulur ring betra Desa Adat.
- da. Yening wanda bedra sedurung makatua mangda masuwitan up.
- pa. Yening wanda jama bedra ring segebag Desa Adat Sukalawit nana panyang mandem ring betra Desa Adat Sukalawit makudhahan sakali ring an:
  - 1. Salung Duna Desa lan sa salung ma krama gumukun Dulary/utawi Desa Adat naur panyang bedra 100 kg berat halus, lan guruh mandem ring betra mambuk pengabdikan duna jama mangku Dalem.
  - 2. Sisa agama naur panyang bedra 500 kg berat halus, lan guruh mandem ring betra mambuk doging paratun.
- sa. Tan kawenangang mandem lusa sajawaning ring betra.
- wa. Tan kalugra mandem lusa ring Rahina: Tiam, Purwana, Panawan, Bedra Umami alangan Pasah, Samet Sedurun, Kala Gekongon, Lan Pangantun, Pananggal (1) Apisan/Pangglong (1) Apisan, Soma Umami Sandang, Bedra Waga, Bedra Kluwan, Anggara Kluwan, Sandara Umami Wratugumung
- la. Tan kalugra ngaben emen rahina sedurung Ad Ngagih Nunglung
- ma. Tan kalugra ngarsak sawa maktaka jagata kabreketan.

- Ga. Yan wenten kesedayan ring kulewarga Pemangku, Kulewargannia patut nyuntakaang/nyebelang sekadi ring sor puniki :
1. Yan durung kepus pungsed petang dasa dua rahina.
  2. Yan sampun kepus pungsed solas rahina.
  3. Yan sampun meketus untu utawi lingsir ngantos mesesapuhan.
- Ba. Yan wenten Krama Desa Adat sukaluwih kasedayan, Keluargannia patut nyuntakayang /Nyebelang sekadi ring sor puniki :
1. Yan durung kepus pungsed petang dasa dua rahina
  2. Yan sampun kepus pungsed solas rahina.
  3. Yan sampun maketus untu utawi lingsir ngantos mesesapuh.
- Nga. Yan rabin Pemangku medue anak alit, sebel sane istri petang dasa dua rahina, pemangku lanang sebel akepus pungsed, yening wenten Aci punika karemba antuk Pemangku siosan.
- Pa. Yening Pemangku seda ritatkala aci/Piodaklan ring Pura, wenang kameremang ring Jero, Yening nenten wenten Aci/Piodalan patut kaupakara manut linggihing Sastra kepemangkuan.
- Ja. Yening wenten pacang Nyapun :
1. Patut ngewentenan sesapuhan ring sajeroning sane sane kebaos cuntaka utawi ring jeron sane cuntaka.
  2. Sane mewasta sebel karang nenten nyuraang Kukul.
- Ya. Yan wenten Krama Desa kasedayan yening durung pastika jagi kependem tan kalugra mekarya Bangbang.
- Nya. Yan wenten Krama Desa kasecayan lintangan ring asiki sajeroning arahina, pemargine makta ke Setra ngantos ring Baler setra lan mendem patut sinarengan.

#### Pawos 42

- Ha. Yan wenten jagi ngelaksanayang Pitra Yadnya (Ngaben) tan kalugra ngelantaran sedurung sang sane ngaben rihinan nyapuh, mewates tigang rahina.
- Na. Yan wenten rikalaning ngaben ngebet sawa, rikala ngebet tan kalugra mendem sawa, sawa punika mangda kapendem riwusan Rahina punika.
- Ca. Ritatkala rahina ngaben, yan durung wusan ngirim nenten dados mendem sawa yening nenten nyarengin ngaben.
- Ra. Indik upakara sang seda sane mependem premangkin :
1. Soang-soang Krama Desa Adat Sukaluwih sami sampun kasinanggeh uning nganutin Dresta, Sima, Adat penatahan paetangannia.

2. Pengabenen kemargiang manut perarem Banjar Patus malarapan paweh Pemangku Dalem, muah sane manut kasidan nista, Madya, Utama, duaning manut pemargin paetangannia kapupul (Meseke Patus)
- Ka. Krama Desa sane madue jatma seda patut mesadok ring Prajuru Desa Adat lan Banjar dinas, indik paetangannyane pacang dados kebakta kesetra, mependem utawi ngurugin.
- Da. Swadarmaning Dadia, Desa Adat lan Banjar Adat :
1. Prajuru Dadia, Banjar Adat, Desa Adat maritatas pemargin lan paetangannia.
  2. Nepek Kukul ring Banjar soang-soang.
  3. Yening pacang ngaben lanang; wiadin istri patut maktapatempung/pisuka beras maweweh adeng asiki.
  4. Krama dadia< Banjar Adat lan Desa Adat lanang istri patut nyarengin mekarya indik eteh-ete upakara sang Seda manut bebaos sane sampun kemanggehang.
  5. Krama Dadia, Banjar Adat lan Desa Adat tan kalugra ngusak asik tata cara yadnyane gumanti mangda yadnyane lantur.
- Ta. Yan prade wenten wong mobot (beling) seda patut kapendem ugu tur bobotannia katetehin batu.

#### Palet 4

### INDIK MANUSA YADNYA

#### Pawos 43

- Ha. Manusa Yadnya inggih punika Upacara darmaning manusa ngawit sakeng patemoning karma petak kelawan karma bang ring sajeroning garba kantos seda riwekas.
- Na. Upakara sekadi ring ajeng madudonan sekadi ring sor:
1. Ngawit sakeng magedong-gedongan.
  2. Duk sakeng kamareka medal.
  3. Kepus Pungsed.
  4. Tutug akambuhan/42 rahina
  5. Tigang Sasih.
  6. Paototnan enem sasih
  7. Tutug kelih (Ngeraja sewala wadonne, Ngembak Lanange)
  8. Mapetik Rambut.
  9. Mepandes Metatah.

10. Mawiwaha.

11. Mawinten, ekajati, Dwijati.

Ca. Ring sampun maternu lanang istri ngawit marabian :

1. Tutug tigang rahina mabiakala utawi premungkinan.
2. Ngamargiang Upakara Widiwidana.
3. Patut Nagyab pekala-kalaan (Tipat Bantal) lan base wakulan ring kulawarga sang wadon.

Ra. Upacara soang-soang sekadi ring ajeng kemargiang manut kasidan Nista, Madya, Utama nganutin Catur Dresta, Desa Mawacara, Desa Kala Patra, lan perarem Desa, pinih becik mangda nunas pemuput ring Sang Dwijati kesaksinin antuk Prajuru Desa Adat, Pemangku lan kelian Banjar Dinas.

Ka. Krama Desa Adat Sukaluwih sane nganutin Agama Hindu, yening pacang ngelebur wangsa pinih becik nunas pemuput Sang Dwijati.

Da. Yan wenten wong lanang sakeng Desa Adat Sukaluwih malaibang anaj istri sios Agama patut kaparitas lan patut kaparisuda.

Ta. Yan wenten wong lanang sakeng Desa Adat Sukaluwih, nyentana (Nyeburin) pateh Agama Hindu ke desa Sios, patut pawiwahan punika kesaksinin antuk Prajuru Desa Adat, Kelian Banjar miwah Perbekel tur kailekitayang tan polih warisan ring keluargannia sane kekaonin, yan ritatkala palas pacang mewali mulih, wenang naur peraug 100 kg beras halus wau kedadosang sareng me Krama Desa Adat Sukaluwih.

Sa. Yan wenten alaki rabi, risampuri mebiakala patut keni ayahan me Krama Desa.

Wa. Yan wenten wong lanang sakeng Desa Adat Sukaluwih kerangkatang antuk wong istri sios Agama tan polih hak waris ring keluargannia, pet prade mewali mantuk patut keprayascita tur ketanggung antuk keluargannyane rauhing naur peraug 200 kg beras halus

#### Palet 5

### INDIK BUTA YADNYA

#### Pawos 44

Ha. Buta Yadnya inggih punika Upacara pabiakalan ring Pertiwi lan Khayangan sarwa prani saha Upacara ring Babutan.

Na. Upacara pabiakalan ring sarwa Prani luire :

1. Ring sarwa temuwuh ring Tumpek Pengatag, (Saniscara Kliwon Wariga)
2. Ring sarwa Ingon-ingon rikala tumpek Kandang (Saniscara Kliwon Uye)
3. Upacara pekala-kalaan manusa manut wiguna, kebaos pebyakalaan ring Anggara Wage Dungulan.

- Ca. Upacara Pabiyakala ring Pertiwi, Khayangan lan Babutan kawastanin mecaru muang mesegeh luiripun :
1. Mesegeh ring Pura Dalem nemu rahina Kajeng Kliwon nuju penanggal Sasih Kasa, utawi kengin kedumunang malih Limolas Rahina yening rikala rahina inucap wenten Krama Desa sane muatang.
  2. Mesegeh ring Pura Puseh Nuju Pangelong, Kajeng Kliwon utawi tilem sasih kenem.
  3. Aci Pengangon nuju Saniscara Kliwon Uye kemargiang mucu nyatur Desa.
- Ra. Pecaruan inucap ring ajeng kemargiang Nista, Madya, Utama manut wigunannia sekadi ring Sor :
1. Eka Sata.
  2. Panca Sata.
  3. Panca Sanak.
  4. Panca Kelud.
  5. Rsi Gana.
  6. Tawur Agung.
- Ka. Sajawaning sekadi ring ajeng kawentenan Upakara :
1. Yadnya Sesa/mejot-jotan nyabran wusan meratengan.
  2. Masegehan satunggil Rahina Kajeng Kliwon.
  3. Mesapuh/mesesapu rikala pacang Rahinan/Aci ring Pura.
  4. Peneduhan, Krama Desa Adat ngewentenang Upacara Peneduhan rikala wenten merana genahnyane ring Pura Lumbung.

#### Pawos 45

- Ha. Nangken ngewarsa rikalaning Tilem Kesanga melis miwah Tawur Kesanga, macihna pacang mapag Rahina Penyepian.
- Na. Upacara Penyepian sane kemargiang antuk Krama Desa Adat manut Catur Brata Penyepian sekadi ring sor :
1. Amati geni tan kengin ngidupang api.
  2. Amati Karya tan kengin nyambut Karya.
  3. Amati Lelungan tan Kengin Melelungan utawi lunga ngelintangin Pekarangan.
  4. Amati Lelungan

- Ca. Paberataan inucap kemargiang arahina sakeng semeng ngantos semengne benjang macihna antuk suaran Kukul.
- Ra. Brata penyepian inucap katelik olih Pecalang kaenter olih Prajuru Desa Adat lan Pemangku Kayangan Tiga.
- Ka. Sang mamurug / Krama mamurug Paberataan penyepian, keni pamidanda manut perarem 2 kg beras halus.
- Da. Yan Pecalang lan Prajuru mamurug keni pamidanda 4 kg beras halus.
- Ta. Riwusan Rahina Penyepian, benjangne soang-soang Krama Desa patut ngemargiang Darma Santi.

## SARGA V

### SUKERTA TATA PAWONGAN

#### Palet 1

#### Indik Pawiwahan

#### Pawes 46

- Ha. Pawiwahan inggih punika patemoning purusa lan predana malarapan antuk penunggalan kayun suka cita sane kadulurin antuk Tri Upasaksi sekala lan niskala.
- Na. Pemargin Pawiwahan inggih punika :
1. Pepadikan kamenggala antuk Krama sane memadik tur kesaksinin antuk Prajuru Desa Adat, Kelian Banjar Dinas, Prajuru Banjar Adat lan prajuru Dadia.
  2. Ngerorod ngerangkat dumun wau kakurenang.
  3. Nyeburin utawi nyentana, Pawiwahan risampun nganutin upakara pamerasan polih perarem kulawarga, Kesaksinin antuk Prajuru Desa Adat lan Prajuru Dinas.
- Ca. Pidabdab sang pacang Mawiwaha patut :
1. Sampun manggeh deha utawi Truna manut daging undang-undang perkawinan no 1 tahun 1974.
  2. Sangkaning pada rena nenten kepaksa.
  3. Manut kecaping Sastra lan agarna nenten gamia gamana.
  4. Kawisudayang prade ngambil sios agama miwah kepatiwangi utawi sang keambil patut kesudiwedani.

## Pawos 47

Tata caraning perabian sekadi ring sor :

Ha. Pemargin pepadikan manut duclonan :

1. Pakurenan kemargiang jantos ping Tiga, saha soang-soang malarapan :
  - a. Kapertama antuk sedah jambe lan canang.
  - b. Kaping kalih antuk canang lan beras sepatutnia.
  - c. Kaping tiga antuk tipat bantal.
2. Risampun puput pepadikan raris sang istri keambil olih sang lanang saha kelanturan antuk pabiakalaan/pabiakaan.
3. Mangda puput tumus sekala lan niskala raris kulawarga lanang makta pejati ring wadone, raris bebanten sepatutnia jaga upakara mepamit/mapiuning ring Sanggah kemulan utawi merajan istrine.

Na. Pemargin ngerorod malarapan antuk suka cita lanang lan wadon patut :

1. Reraman lanange ngewentenang pejati mewates arahina awengi antuk duta sakirangnia kalih diri, pejati kamargiang risampun dauh lima, yan prade pejati kemargiang sedurung dauh lima dados kapendet tur kapidanda 5 kg beras halus.
2. Kulawarga lanange ngewentenan pelaku ring kulawarga wadone, malarapan antuk beras, sedah lan jambe.
3. Risampun maeletan tiganj; rahina sang merangkat patut ngemargiang pelaku pengaksama (pelaku bajanq; mulih) ring reraman wadone malarapan antuk sedah, jambe miwah anutannia sesampun kemargiang upakara pabiakalaan.
4. Sapuput upakara peserah, sang nganten patut muspa ring sanggah/Merajan wadone kesaksinin antuk Prajuru desa adat.
5. Yan prade sang ngerangkatang tan kayun muspa tan patut makta saluwiring runtutan upakara, amung pemargi pamuput bebawos peserah kewanten kemargiang sekadi patute.
6. Sedurung mesayut pabiakalaan, sang nganten tan kardadosang ngranjing paumahan Krama Desa siosan kalih karang suci/Pura.
7. Yan prade wenten mamuruq; sekadi angka 6 ring ajeng, keni pamidanda akehnyane 5 kg beras halus.
8. Ring sajeroning Pawiwahan/perkawinan lanang wadon Krama Desa adat Sukaluwih, sang sane ngambil/ngerangkatang/lanange kakeninin penaur kania akehne Rp 50,000,- atenga ngranjing ke Desa Adat atenge ngranjing ke Banjar Dinas, nanging yan sane ngerangkatang/lanange Jatma sios Desa keni Rp 100,000,- atenga ngranjing ke Desa Adat lan atenga ngranjing ke Banjar Dinas

#### Pawos 48

- Ha. Tan kalugra ngerangkatang sane kebaos gamia gamana sekadi
1. Tumin dinyama.
  2. Panak temen.
  3. Panak dinyama.
  4. Rerama dinyama.
  5. Sameton sodet.
  6. Semeton sios meme, semeton dicambra, semeton peperasan.
  7. Miwah sane siosan sane ngranjing gamia gaman manut Agama.
- Na. Yan memurug wenang kepalasang tur sang merangkat kaparitetes saha ring genahnyane merangkat kawentenang pecaruan amanca tur kapidanda 100 kg beras halus.
- Ca. Yan wenten memaksa utawi melegendaang anak istri kepatut :
1. Reraman wadonne mesadok ring Prajuru Desa Adat lan Keliang Banjar Dinas raris ngetutang.
  2. Yan sampun kepanggih lan ketakenin raris nenten sami medasar rena wenang kepalasang.
  3. Sang memelegendang keni pamidanda 300 kg beras halus, tur wicarannia katur ring Sang Angawerat.
- Ra. Prade wenten ngerabinin wong arabi :
1. Wenang kebaosin kalih kapidanda lanang istri soang-soang 300 kg beras halus ngranjing ke Desa Adat.
  2. Yan prade sang medue rabine keberatan, dados nunasang ring pemerintah utawi Sang angawerat.
- Ka. Yan prade wenten memitra ngalang/nyolong patut :
1. Kebaosin, yan prade deha , truna raris kejangkepang tur keni pamidanda 50 kg beras halus.
  2. Yan kantos kebaos ngeletehin wenang ngewentenang upacara pemerascita.

#### Pawos 49

- Ha. Pawiwahan sane kemanggehang ring Desa Adat sukali wih
1. Mawidiwidana sane kapuput antuk Sulinggih utawi Pemangku.



2. Pawidiwidanaan kesaksinin antuk Prajuru Desa Adat lan Keliang Banjar Dinas, Keliang Banjar Adat, Keliang Pemaksar, Keliang Dadia tur kailekitaang ring pakraman soang-soang.
  3. Saksi – saksi punika karuntutin antuk cihna jauman ketipat bantal.
- Na. Sang sane memurug sekadi inucap ring ajeng, yan jagi ngeranjing dados Krama Desa Adat mangda mretista raga dumun kesaksinin antuk Prajuru sami.

#### **Pawos 50**

- Ha. Piteges indik pawiwahan patut sang lanang merabi adiri sejawaning wenten pasubaya sakeng rabiné utawi paetangan bebaca pacang merabi malih nganutin Undang – undang Perkawinan No 1 tahun 1974.
- Na. Prade wenten lokika sanggraha patut sang lanang sane mobotin nyakapin wardone (Widiwidana) sekadi alaki rabi.
- Ca. Sang sapisira tan manut sekadi ring ajeng ring hurup Na, wenang tan kesarengang mekrama Desa Adat.
- Ra. Yan wenten buluangkep tan manut ring sukerta pawiwahan patut kebaosin olih Prajuru Desa Adat tur kesipat antuk beras 100 kg beras halus.
- Ka. Yan wenten sakeng kulawarga wadon tan muputang pawiwahan, wenang kebaosin olih Prajuru Desa Adat Sukaluwih tur kapidanda 100 kg beras halus.
- Da. Manut dresta ring Desa Adat Sukaluwih tan kedadosang Krama istri ngerangkatang anak lanang, yening memurug keni pamidanda 100 kg beras halus lan pererangkatang inucap tan keangkenin olig Desa Adat.

#### **Palet 2**

#### **Indik Nyapian**

#### **Pawos 51**

- Ha. Tata cara palas merabian yening; sinalih tunggil lanang utawi wadon :
1. Anasar Laku.
  2. Wirasaning Laku.
  3. Tan mresidayang ngemargiang swadarma alaki rabi.
  4. Matilar tan pasadok kantos limolas (15) rahina.
  5. Setata ngemanggihin biota/karuwetan lan tan presida adung malih.
- Na. Yan prade wicarane katumusang antuk sang lanang tur wiakti lan patut punika cihna sang istri :

1. Predana anasar laku pemargin sang istri.
  2. Sang istri amadel senggama meambul-ambulan ngantos limolas rahina (15) rahina.
- Ca. Yan wicarane katumusang antuk sang istri tur wiakti lan patut punika cihna sang lanang :
1. Sang lanang meparilaksana tan patut sekadi mapikurenan.
  2. Wandu tan presida ngewetuang sentana.
  3. Tan nyanggama saha ngupajiwa kantos tigang sasih.
- Ra. Yan palase pada lila patut :
1. Ngewentenin pengupa jiwa perisentana manut Swadarmaning Guru rupaka.
  2. Ketiwakin Pamidanda olih ldesa Adat soang-soang 50 kg beras halus.
- Ka. Pamidanda kemargiang antuk Prajuru Desa Adat, risampun palase punika katibakin pamutus ring sang rumawos.

#### Pawos 52

Prade riwekas sang palas merabian adung malih makurenan patut :

- Ha. Ngelaksanayang Tata Pawiwahan sane patut.
- Na. Keni Pamidanda nikel akehnia 200 kg beras halus, yadiastun palase dumun pada lian.

#### Pawos 53

Ha. Soang-soang balu manut paworigania kabinayang dados :

1. Balu luh wit sentana rajeg.
2. Balu luh tan wiy sentana Rajeg.

Na. Swadarma balu inucap patut :

1. Ngawisesa waris lan pegunakayannia, tan kuasa ngadol, ngadeang, muah mekidiang, sedurung anut ring sang sane patut ngewaris.
2. Yening balu inucap meras sentana kedadosang yening durung sinalih tunggu lampus sampun wenten pidabdab tur anut ring kulawarga purusa.

#### Pawos 54

Balu luh tanpageh luire :

Ha. Matilar sakeng paumahan tan pasadok ngantos petang dasa (42) rahina.

Na. Las ring swadarmaning balu tan sida ngentosin salah manut ring ipah purusa lan kulawarga pecak rabine.

- Ca. Yan sampun macihna (Ilikita, Bukti, miwah saksi) sekadi ring ajeng balu inucap tan polih pahpahan gunakaya.
- Ra. Prade balu inucap pageh nganutin swadarmaning balu, yening katutug antuk sentana (Kulawarga Purusa) wenang balu inucap polih pahpahan gunakaya.

### Palet 3

#### Indik Sentana

#### Pawos 55

- Ha. Mungguing sentana wenten kalih soroh inggih punika :
1. Preti sentana, utawi sentana rajeg.
  2. Sentana peperasan.
- Na. Preti sentana inggih punika sentana sane metu sakeng pawiwahan sane patut.
- Ca. Prade pawiwahan tan sida ngewentanang sentana, kengin ngidih sentana antuk upasaksi sekala lan niskala, sane kewastanin sentana peperasan.
- Ra. Prade pawiwahan tan patut, yening ngawetuang sentana mangda tan kantung kewastanin babinjat utawi astra yogia kamanggala antuk panyagaskara.
- Ka. Yening wenten madue pianak kembar buncing utawi manakan salah, patut sedurung akambuhan tan dados medal sakeng pekarangan, nanging upacara upakara kalaksanayan g olih ldesa Adat apanglungahan.

#### Pawos 56

- Ha. Sang mepikayun pacang ngidih sentana mangda adung dumun sareng kulawargannia, kalih patut mesadok ring Prajuru Desa Adat, sanistannia asasih sedurung upacara pamerasan kelaksanayang.
- Na. Prajuru Desa Adat kewakilin antuk keliang - keliang Dadia nyiarang ring Krama wewidangannia kalih patut mesadok ring Sang Angawerat.
- Ca. Prajuru Desa Adat digelis mavosin tur ngicenin pamutus nepak ring Dresta miwah perarem Desa.
- Ra. Yening sulur pamerasan tan manut ring kecaping Dresta lan Sastra, Prajuru Desa Adat wenang ngandeg sang pacang mekarya saha ngicenin panuntun, mangda kapuputang ring bebawos sulur utawi wicarannia.

### Pawos 57

Ha. Paperasan sane kasinanggeh patut ring Desa Adat Sukaluwih, risampun makacihna :

1. Mawidi widana paperasan.
2. Kasaksinin antuk :
  - a. Kelian dadia miwah Krama sami
  - b. Prajuru Desa Adat, Kelian Banjar Adat, mangda makelingin ngilakitayang tur nyiarang sulur pemargin paperasanne.

Na. Sane dados kaperas dados sentana, manut sekadi ring sor :

1. Jatma sane meagama hindu.
2. Paperahan nedunang sang rneras.
3. Keluarga sakeng purusa prade tan wenten dados sakeng arep.
4. Nenten kangkat meras cucu dados pianak.

### Palet 4

#### Indik Warisan

### Pawos 58

Ha. Warisan inggih punika tetamian artha berana saha ayah-ayahan ngupeti sukerta sekala lan niskala sakeng keluhurannia marep ring keturunannia.

Na. Sang kasinanggeh warisan luire :

1. Drue tengah, Karang Paumahan, Tegal, ayahan Desa, Pusaka, Siwa Krama.
2. Pemerajan Kemulan.
3. Pegunakayan, Tetadtadan/jiwa Dana, Utang lan Piutang.

Ca. Wau kengin kebawos warisan prade wenten :

1. Sang mapiturun (Pewaris)
2. Keturunan (Ahli Waris)
3. Arta Brana miwah ayah-Ayahan, tetegenan makacihna Warisan.

### Pawos 59

Ha. Ahli waris luire :

1. Preti sentana purusa.
2. Sentana peperasan lanang wadon.

- Na. Prade ten wenten sekadi ring ajing, sang kasinatiggaah ahli waris inggih punika :
1. Turunan purusa pernah reratna dirnisan, reratna dimandun, raris selanur ipun ngunggahang.
  2. Turunan Purusa kepernah kesamping, mekadi keponakan, mandun lan selanur ipun.
- Ca. Yen wenten putung (campur) patut kewaris antuk Dadanma.

#### Pawos 60

Swadarmaning Ahli Waris inggih punika :

- Ha. Nyanggra tur nguasayang tetamian pahan sakeng keluarganna, sekadi pengerempon sanggah, Pura Dadia, lan Pura siosan rauning pengupekaranna, muah nyeledinin ayah-ayahan pewaris.
- Na. Ngabenang kewaris saha nglanturang Upacara Pitra Yadnyanna.
- Ca. Naurin utang-utang kewaris sane patut pengelokika.

#### Pawos 61

Pengepahan waris manut sekadi ring sor :

- Ha. Risampun kelaksanayang Upacara Pitra Yadnya.
- Na. Para Ahli waris polih Pahpahan pada, sane marupa pagunakayan lan tetamian leluhurnia.
- Ca. Sinalih tunggil ahli waris tan polih pah-pahan prade :
1. Nilar kawitan lan sesananing Agama Hindu.
  2. Tan ngemargiang Swadarmaning Ahli Waris sekadi inucap ring
- Ra. Pewaris dados ngedumang warisan yening kantun urip minekadi :
1. Jiwa dana, tetadtadan makedihna paweweh tetep ring planak sane kesah mawiwaha.
  2. Ngedumang Pengupajiwa.
  3. Ngedumang tetegenan wiadin padum raksa, duman waris pada gara, kantong pedum Jumenek ring waris.
- Ka. Pekarangan Waris/warisan kap dabdabin sekadi ring sor :
1. Yan prade ten wenten due karang siosan utawi genah siosan patut karang inucap kagenahin sareng-sareng ring Ahli Waris.
  2. Kebaosin antuk rembug ahli waris.

## Pawos 62

- Ha. Prade ring sajeroning Kulawarga wenten waris langkung ring adiri patut :
1. Pateh pedumanna ring Sang ngewaris.
  2. Kawentenang paigum indik padum waris inucap.
  3. Yan tan kasidan ring kulawarga, patut katunasang tetimbang ring Prajuru Desa Adat.
  4. Prade tan tinut ring panepas Prajuru Desa Adat, kengin katunasang ring sang rumawos (Pengadilan)
- Na. Prade wenten Karang keputungan, Prajuru Desa adat wenang maosin sekadi pawos 58 hurup Ca.

## SARGA VI

### WICARA LAN PAMIDANDA

#### Palet 1

#### Indik Wicara

#### Pawos 63

- Ha. Indik ngemargiang muah ngelaksanayang Tri Hita Karana, mekadi :
1. Mangdene Krama Desa Adat sukaluwih nelebang lan ngelaksanayang ring angga muah ring Linggih Ida Sang Hyang Wichi Wasa.
  2. Nreptiang Krama Desa ring wewengkon Desa Adat Sukaluwih, ngemargiang ring sajeroning Tri Kona, mekadi Utpeti, Setiti, lan Prelina.
  3. Nereptiang wates wewangunan, Palemahan Desa Adat Sukaluwih, muah tata titi Krama.
- Na. Ritatkalaning wenten wicara, raris kaputusan olih Prajuru Desa Adat, yan pamutus inucap tan manut ring pekayuran sang mewicara, dados tur kemanggehang nunasang wicara ika ring sang Angawerat (Pengadilan) mewates 10 (dasa) rahina ring pamutus Prajuru Desa Adat inucap.
- Ca. Sakeluring wicara sane mawit sakeng kecorahan muah sang mamurug sedaging awig-awig, kebaosin antuk Prajuru Desa Adat, tur tan malin ngantos piuning sakeng melaksana corah muang sang mamurug Pasuara/Perarem Desa.
- Ra. Sajawining indik wicara sane inucap ring ajeng hurup Ca, Sang Pengerta Sukertaning Desa Adat, patut nyantosang pesadok mangda pariindikane kawicarayang ring sangkepan/paruman Prajuru Desa Adat, Kelian Banjar Adat lan Dinas, Kelian Pemaksan, Kelian Dadia lan kelian-kelian sane lianan.
- Ka. Saluiring putus ring panepas wicara sakeng Prajuru desa Adat, mangdene nepek ring tetepengan Tri Premana mekadi , Atita, Nagata, Wartamana, sios ring punika patut keanutang ring Catur dresta luripun :

- lontar-lontar utawi pustaka sane kasurat ring pusaka suci mekadi pustaka Weda, loka panglikita sane siosan manut kakecap Agama Hindu.
2. Loka Dresta, merupa penglikita sane mawit sakeng pasuara utawi perarem Desa muah sang sane patut ngamedalang pasuara (PHDI, Kantor urusan Agama)
  3. Purwa Dresta, merupa panglikita manut sakeng sima Agama tur pemargin kasukertan Desa sane sampun kemargiang sakeng dumun (Historis Tradisional)
  4. Desa Dresta, merupa panglikita manut Desa Kala Patra, Desa Mawa Cara, lan Kanista, Madya, Utama.
- Da. Pinaka dasar pamutus wicara, mangda ugi katunasang pikukuh ring perarem Desa antuk lokikaning wicara sane melarapan antuk :
1. Ilikita, minekadi surat-surat sane sujati, perarem Desa lan sane siosan.
  2. Saksi pinaka sane nyaksinin, sane tan wenang keanggen Saksi Pemangku utawi Sulinggih.
  3. Bukti, merupa sane keagem.

## Palet 2

### Indik Pamidanda

#### Pawos 64

- Ha. Krama Desa Adat Sukaluwih wenang niwakang pamidanda ring Krama Desa Adat Sukaluwih sane sisip.
- Na. Paniwak pamidanda inucap, kernargiang olih Prajuru desa Adat.
- Ca. Pamidanda sane katiwakang ngangda pastika manut ring Catur Naya Upaya Sandi, minekadi :
1. Sama, Krama Desa lan Prajuru Desa Adat Sukaluwih, sami utawi dados katiwakin Pamidanda yening wenten kesisipannia.
  2. Beda, paniwak pamidanda ika, wenang kabinayang manut ring sor singgih muah ageng alit kasisipannia.
  3. Dana, Pamidanda sane katiwakang marupa ayah-ayahan, panukun kasisipan utawi Dana.
  4. Danda, paniwak pamidanda ika, kemargiang wantah ngeling kesisipan, punika wantah mapitulung (Karunia) ngemanggrahang kerahajengan Krama Desa Adat.
- Ra. Palet-Palet pamidanda sekadi ring sor :
1. Sang sisip.....Kativakin pamidanda merupa gung artha.
  2. Panebas kasisipan antuk ayah-ayahan/penukun kasisipan.

3. Keni pamidanda antuk Banten/Fenyagaskara.
  4. Kejabutin muah kerampag.
- Ka. Jinah utawi artha brana pamidanda ika, ngeranjing ke Desa Adat.
- Da. Kasisipan Krama Desa sane patut keni pamidanda, sane kebaos tan manut ring sukerta tata Agama muang Adat ring Desa Adat Sukaluwih.
- Ta. Ring sapariindikan niwakang pamidanda keanutang ring Pawos, Awig-Awig puniki sane kapurug indik pamidanda sane durung keunggahang ring ajeng, agung alit pamidandannia, mangda katiwakang manut ring pamutus Perarem Desa.

#### Pawos 65

- Ha. Krama Desa sane kapidanda, langkung ring tigang paruman ngelantur tan naur dedandan, wenang kerampag/kerandahin.
- Na. Tata cara ngemargiang rerampagan, sekadi ring sor :
1. Kelaksanayang olih Prajuru Desa Adat, kesaksiang antuk Krama Desa akedikne tigang diri.
  2. Sang ngerampag saka darsana ngambil barang utawi nyawenin tanem tuwuh, akehnia manut sekadi ring utang sang kerampag.
  3. Prajuru Desa Adat miteketang mangda barang-barang sane kerampag, digelis katebus masengker 30 (tigang dasa rahina) utawi asangkèpan Desa yening nenten katebus pacang keadol.

#### Pawos 66.

- Ha. Prade sane pacang kerampag ngewara, mewastu sampun tan nganutin Awig-Awig Desa Adat, Prajuru Desa Adat malih miteketang indik utang inucap.
- Na. Semalihnyane yan tan tinut sekadi ring ajeng, wenang kawentenang perarem Desa Adat.
- Ca. Pamidanda inucap ring ajeng keni buntas risampun sang kakeninin pamidanda :
1. Nunas geng pengampura ring Krama Desa ritkala paruman Desa riantukan nguwak pasubaya pecak.
  2. Naur pengargan penguak pasubayane duk pacang kerampag kadulurin prayascita pengaksama kaiwangannia ring Desa.



## SARGAH VII

### NGUWAH NGUWUHIN AWIG – AWIG

#### Pawcs 67

- Ha. Nguwah nguwuhin Awig-awig Desa Adat Sukaluwih mangda kemargiang antuk perarem Desa.
- Na. Perarem desa inucap mangda kdasarín antuk gilik saguluk Krama Desa.
- Ca. Pamutus bebawos mangda sayuwakti kaingkupin melarapan antuk Perarem Desa
- Ra. Paruman indik nguwah nguwuhin Awig-awig ring ajeng, kengin kamedalang antuk Prajuru Desa Adat, utawi sakeng pengaptin Krama Desa sinamian utawi niri-niri.

## SARGA VIII

### PEMUPUT

#### Pawos 68

- Ha. Awig-Awig puniki kemargiang ngawit sakeng keraremin utawi keingkupin.
- Na. Awig-Awig puniki kewastanin Awig-Awig Desa Adat Sukaluwih.

#### Pawos 69

- Ha. Saluwiring sane wenten sadurungnia, patut patut keanutang ring sedaging Awig-Awig puniki.
- Na. Saluiring sane durung kebawos ring sajeroning Awig-Awig puniki patut kelaksanayang anut tata cara sane sampun ketah memargi kadulurin antuk perarem Desa.

#### Pawos 70

- Ha. Awig-Awig puniki keadegang antuk Prajuru Desa Adat Sukaluwih duk Rahina Redite Manis Wuku Kelawu, Pangglong; ping 5, Saka 1926, Tanggal Masehi 9 - Mei – 2004.
- Na. Awig\_Awig puniki kawangun antuk 3 (tigang) Pengeremba, luih ipun :
1. Pengeremba I, Ngeraremin indik tata Parahyangan.
  2. Pengeremba II, Ngeraremin indik tata Pawongan.
  3. Pengeremba III Ngeraremin indik Tata Palemahan
- Ca. Soang-soang pengeremba lan sang sane ngelingga tanganin kaunggahang sekadi ring sor puniki :